



UPA 2023/43

27/4-2023

Bjørk Lange Kristensen

**Inissiani attartortittakkani ineqarnermut tapiissutit pillugit Inatsisartut inatsisaata allanngortinnerra
pillugu Inatsisartut inatsissaattut siunnersuut.**

(Isumaginninnermut, Suliffegarnermut Nunamullu Namminermut Naalakkersuisoq)
(Siullermeerneqarnera)

Demokraatit iluarismaarpaat, Naalakkersuisut una siunnersuut saqqummiuummassuk.

Maani Inatsisartuni isumaqtigiaissutaajuaannarpooq, utoqqalinersiaqartut aningaasatigut atugaat
pitsangorsaavagineqassasut. Tamanna ilisimaneqartutut uani qinersivimmi siusinnerusukkut
aaliangerneqarpoq.

Ajornartorsiummilli saqqummertoqarpoq, utoqqalinersiutillit siusinaartumillu pensionisiallit ineqarnermut
tapinik appasinnernik pimmata utoqqalinersiutit- aammalut siusinaartumik pensionisiallit pensionisiaasa
qaffannerisigut. Taassumalu kingunerisimavaa, qaffaatit pisissutaasinnaanerisa millisinnerat taamaattumillu
pensionisiallit aningaasat namminneq atorsinnaasaattut qaffaatissatut neriorsuutaagaluartoq
pinngitsoorlugu.

Taanna ajornartorsiut uuminnga siunnersummit aaqqinnejassaaq, qulakteerlugu, utoqqalinersiutillit-
amma siusinaartumik pensionisiallit tamakkiisumik qaffaat, neriorsuutigineqarsimasoq, pissammassuk.

Demokratilli isornartoqartippat, utoqqalinersiutit- aamma siusinaartumik pensionisiat qaffaataasa
ningaasatigut kingunissaat aallaqqaataannit Naalakkersuisunit sillimaffigineqarsimanngimmat.

Tamanna tunngavigalugu Demokraatit siunnersuut taperserpaat ataatsimiititaliamilu susassaqartumi
suliareqqittussanngorlugu innersuussutigalugu.